

開平張啓煌著

殷栗齋集抄本


卷十七

殷栗齋集抄本

卷十七
卷十八

北山堂藏版


香港中文大學古典精華編輯室發行
鮑思高印刷有限公司影印
戊寅夏日一九九八年初版



與非其所深仇、誰忍於殺人、而不舉於生人、卒之生人之人少、而
殺人之人多者、能學道與不能學道之分、孔子之說無以易也、能
學道則子產武侯、不能學道則充其量不過商鞅申韓而已矣、夫
同是用法、且分若者、酷吏、君者循吏、況其不侔乎用法者、更何待
問人之不可不慎所學如是哉、然此就專責之其人也、吾則以為
為上者之趨向、亦大有關係焉、考漢循吏傳六人、而五人出於宣
帝、酷吏傳十二人、而八人出於武帝、唐循吏傳十五人、而出于武
德貞觀之時者半、酷吏傳十三人、而出于武后之時者亦半、其故
可思已、漢宣帝重二千石之任、而循吏如龔遂黃霸尹翁歸趙廣漢張
敞何武、
宣帝蓋經學文效無朝樹暮即獲之理也

以礼待人之事、翁歸則史称其以礼相接待、有負者始行罰、廣漢之不及翁歸者、以其二、廣漢所居、好用世吏、子孫新進年少者、翁歸以高第入守右扶風、用廉平疾姦吏為右職、不聞有專意世吏、及新進年少之事、廣漢之不及翁歸者、以其三、廣漢以其害私酷長安市事、使中郎趙奉素為風曉丞相、欲脅之母令窮正已事、翁歸拜東海太守、過辭于定國、定國欲託邑子兩人、語終日、不敢見其邑子、一則我有所託于人、而惡人之不我應、一則人有所託于我、而自能使人不敢求我之必應、公私隱顯之間、較然矣、竊思國家之弊、莫甚于身居顯官、仍復蜚緣囑託、終日以天子宰相為其酬恩報怨之人、科條文法為其通姦舞弊之地、賄賂公行、奸邪得

志天下大勢于是乎十去八九廣漢雖未至如此之甚而此端一
聞已足壞官箴而玷吏治使人人如翁歸斯官箴肅吏治清一切
行私伏莽之徒自聞風股慄而不敢動如此而謂天下事不可為
者吾不信也廣漢之不及翁歸者以其四然則優翁歸而為廣漢
可也雖然優尹翁歸不得不優田延年矣鄭以子產而治左氏歸
美子皮齊以管仲而霸史公歸美鮑叔延年為河東太守識翁歸
于故吏中特技之居五六十人之首而其後卒以收效如此果知
標鑑一得其人才出世道亨斷無姦邪盜賊之足憂者論史
者所宜特筆表出之歟



黃霸為相、聲名損于治郡論

王夫之讀鑑論卷七第二篇
郡守入為三公之得失甚詳

龐統非百里才、故字耒陽公、私不治。孔子所謂不可小知而可大受也。黃霸自漢興以來、為治民吏稱首、而宣帝五鳳三年二月、徙丙吉為丞相、聲名損于治郡。孔子所謂不可大受而可小知也。雖然、以龐相為不可小知、誠然。以黃霸為不可大受、則不能無辯。夫小人才既疏、學又淺、故不可大受、而可小知。如黃霸者、尚得謂之小人、而非君子哉。聞刀筆吏不能為公卿矣、未聞循良吏不可以為宰相。霸為潁川太守、使郵亭鄉官皆畜雞豚、以贍鰥寡、老者置父老師、帥伍長、班行于民間、勸以為善、防姦之意、及務耕桑、節用殖財、種樹畜養、去浮淫之費。霸以外寬內明、得吏民心、戶口歲增。

治為天下第一、完全王道規模矣、安有可小知而不可大受者、方正學曰、才如黃霸、豈有不能為相者乎、為相聲名減于治郡、則以宣帝善任守令、不善任相、霸治郡時、得以意操縱、故教化行、法令勸、及入而為相、破飾法令、人將以為擾、欲行教化、人將以為迂、安能立不可為之功、致不可得之名哉、觀其勅上計吏、以興教化、真宰相所宜為也、張敞處毀訐之、謂其教民為偽、帝亦遽聽之、蓋宣帝從事督責苛細、而惡聞教化之說久矣、敞之言正與帝意合、故帝信敞不疑、而尤霸之非、霸欲有為、其可得乎、高帝善將將、所以成開創之功、宣帝不善相相、仍然有媿中興之治、史稱宣帝中興、以其能相黃霸當之可也、吾謂宣帝有媿中興、以其相黃霸一如

其未相也、困之九五曰、困于赤紱、折中九五、不取君象、但取位高而益困者、黃霸占之笑、其安漢之丞相、有幾人不困于赤紱者、獨黃霸乎哉、景帝甚且毆死申屠嘉、及周亞夫、武帝督責大臣、丞相自公孫弘後、李蔡、莊青翟、趙周、公孫賀、劉屈氂、比坐事死、無一免者、宣帝對於黃霸、雖不能尽其才、而仍然存寬大之意、蓋困于赤紱而無劓刑也。

其二

澗溪之水、非所以聚蛟龍、鶴鷄之枝、非所以棲鸞鳳、必北溟而後可以縱鯢魚之躍、必南溟而後可以任鵬鳥之翬、是以呂端小事糊塗、大事不糊塗、龐士元不能治耒陽、而可使處治中、別駕之任。